

UUT'T OLDE VODDEN

Vrögger waarnt in disse streken
Meespart ollemöle boern,
Ai door zo tegen an keern,
Dan dach ie wel bieje toern,
Zon boer hef heel gin zorgen,
Hee leeft tuf frank en vrieje,
Veult zich altied eborgen
Hee is met weinug bliej!
Alles hef zien vaste gange,
Ze wet alles van mekandren
En dr is ok heel gin drange
Um door us wat te verandren!
Ze doot zo ast altied is edoane,
Door wodt neet van af eweeken,
Noa wässende- en áfgoande
moane
En wind en Sinten wodt ekéke
Zo as St Maarten en St Jan;
Lichmissen mot weèn donke
Betrokken loch bedoelt ze dan
Dan wodt de boer een pronke
tGewas zal greujen noa zien zin
Met grote volle oaren!
Dan wodt ut welvaarn en gewin,
Zó kan ut um bekooren!

St Michiel al tzoad in de grond
St Jópik maai ie tgewas ter af;
As de honds-dage tmaakt wat
bont
Umdat t vólle rëgen gaf
Berg oew dan met Pis-Gréten
tZal dan géeten uut de loch!
Nat wodt tin huus, schuur en
keten
En n modder oft is winter nog!

En ai knollen wilt etten
Zaai ze dan neet te late,
Iej mag St Laurens neet vegetten,
Doornoa gif tzaajen gin bate

Ok St Steffen helen z in ere,
Dat is met kersmissen,
Waarn t drie zondagen een kere
Dan zollen ze tneet missen;
De peerde mossen van stal!
Dat vergat ter hier gin éne
Want anders kreeje tgeval:
Zee kregen dan „stalbéne”!
StPeerd wodden dus af-eréén
Dan bleef ut een betjen fit!
StWas zonder zadel dat ze tdéén,
Gewoon in lösse zit!

Steffen-riejers ging ie kieken
Wieje zollen dat riejen keurn,
Want lösse peerde op de dieken
Was toch moor n zeldzaam
gebeurn!

Voerballers dee dr uut bunt ewes

nPaar wekke dr niks an deene,
En zee doot tdoornoa neet bes,
Doorvan zeg wie ok wel.
„stalbéne!”

Een boer hef neet áltiéd geluk!
tGebeurn ok wel dat t tegenvólt
En wat ze dan ok deene,
tIs of de duuvel der met spólt!
tWodt veur um dan een hele pluk
Want n ongeluk kump nooit
alléne!

tKwam toé een keer us veur,
tWéer was dén dag hups
kledderug,

Dat n vakren begoaving kreeg,
tHad al éen roodbonte kleur!
De kalver waarn slim schetterug,
Ech, tkwam alles toé geliek,
Ene koé hadde tkalf af ezet,
tPeerd dat in de stal neer zeeg
Door wast ok neet bes met,
tHad halgze, de l koliek!
De boer had tslim te veduurn,
nDokter was neet bieje de hand
Dee hef zo vólle klanten!
Veur e dris, duurt wel us uurn
As e nog is bieje n andre klant.
De boer zelf wis neet van wanten,
Hee kreeg piéne in de kop,
De máge draaiden um int lief,
tHeelp niks dat e leep in n galop!
Ok wel een keer of vief
Is e noa „thuisken” egoan!
Hee was naar zenuwachtug,
Want denk us an, dee koé
As t veverpen bestl k e/s
Dan wodt ten slim gedoé!
Dan mot ter wat an edoan
Want de andren bunt ok
drachtug!

En ai zon peerd door zeet!
Heffe wat vekeerds egetten?
Moor soms is ut tat neet
Iej kónt tnooit zeker wetten!
Asse theuf tan zo ummedraait
En noa de boek kik moor,
tHelpt neet of ie um al aait,
Hee wil oew zeggen: „Ut zit
door!”
Soms is een peerd hoas menseluk
Jammer dat e neet kan proaten
Andes zoj hoas met wat geluk
Alles an um können över loaten!

As dokter der dan endluk is
Das dan een gerustugheid!
Dan wodt iederene weer fris, Wat
hadden ze um vebeid!
Veur dokter ist daagluks werk

Dee is neet zenuwachtug,
Hee is in dee zeeften sterk!
Zien hele doon is krachtug!

Ast varken nog te reddén is
Zal twel een spuute kriegen,
Is e tewiet hen, dan zal beslis
Dokter neet vangen wat vliegen!
Misschien dat ut noodslacht wodt
Dat henk af hoe ist tran toé?
Anders ist tgewoon oew lot:
Schrief'm af moor van oe gedoé!
Want as e toch neet wodt goad
Zólt gin kosten wodden eemaakt,
Dan wodt e op eruunt met spoed
En wodt alle hulp estaakt.

De kalver hebt soms darm-vegif,
Ligt misschien ant wetteren?
De melk te zoer? dan buuten kif
Is toor wat te vebetteren.
Allicht kriegt ze poejer of drank
Dan wodt ze dan in egeven
Doormet geet een boer neet mank
Doorin bunt ze wel bedreven!

De koé dee tkalf afzetten
Das tan een twiefel geval,
i Iej kónt ut moor nooi' wetten
Oft besmtluk wezen zal!
Dat zal dan wodden onderzoch
En dat duurt altied wel effen,
Dokter nemt met wat voch,
Zal ok nood-moot-régle treffen!

Dan tpeerd, hier enuemd tleste
Door was e teerste al hen egoan
Zien hulpe heelp heel beste
tPeerd ging noe al weer stoan!
Zon dokter wet óveral wat veur
Hee geet hier veur ál-wetend
deur!

Ome Jehan